

Dem Durchleuchtigsten /
Hochgebornen / Fürsten vnd Herrn / Herrn Ferdi-
nanden / Erzherzogen zu Osterreich / Herzog zu Bur-
gundi / Grafen zu Tyrol / etc. Seinem Gnedi-
gsten Fürsten / vnd Herrn.



Durchleuchtigster / Hochgeborner / Gnedig-
ster Fürst / vnd Herr / etc.

Wir die Christen als gläubige / vnd vor vns die Juden (zu der zeit / als sey noch das Volk Gottes / genendt wurden) lament allein in einem Stück mit den Heiden / vnd Ungläubigen vberlein / Nemlich in diesem / das sey / vnd wir alle hielten / vnd Glaubten / das Gott ein Vrhab / Beginn / vnd Anfang aller dingen gewest sey / noch heut zutag senge / vnd bleibe / wie dann der Hailig Patriarch / vnd Prophet Moyses bezeigt / das Gott ein anfang / Erfinder / vnd Schöpfer / aller Creaturen sey / welchs auch *Prouerbiorum* 8. vnd *Johannis* 1. angezeigt wird / dorzue der aller berettist Römer *Cicero* in seinem ersten Buch / der *Thusculanischen* fragen / da er sagt / das kein Anfang Gewest sey / mitt welchem ehr die Ewigkeit / welche Vnanfenglich / vnd Gott selbs ist / hatt wollen zuerkennen geben / wie dann der Heilig *Jeronimus* auch anzeigt in der vierten Epistel / welche er dem *Damasco* vberschickt hat / Es (sagt er) ist ein einige Natur Gottes / vnd das doran er sich erhaltet / hatt er nit anders wo har / denn es ist sein allein / vnd weiter spricht er also / Gott allein der Ewig ist (das ist) der kein Anfang hatt / hatt allein den namen einer gewissen wesentlichkeit / etc.

Diser meinung ist auch gewest der *Poëta Virgilius* / so er doch ein Heid vnd Ungläubig gewest / inn seinem 6. Buch *Aeneidos* / do er also singt Erstlich ist es ein Geist / der nert den Himmel / vnd die Erden / die Gleisende Kugel des Mons / vnd die Feyrigen Sternen / etc.

Zu dem / so wil auch der viertrefflich Natur Ründiger *Aristoteles* ein einzigen Gott bezeugen / do er sagt / das jm ein ding aller dingen / zuhilff komen solt / ob er gleich von dem waren einigen Gott / nichts grüntlichs gewist / so hatt jn doch sein Hoheruerstandt (mit dem er begabt was) zuerkant / müß bracht das ein ding sein würde / von welchem die andern alle / ein vrsprung / vnd herkonfft haben miesten / das auch alle andre ding erhielte / derselbig Ewig Gott / vnd seine Ewige Weisheit / Macht / vnd Herrlichkeit / sey inn diesem werck / vnser Anfang / sein Erlösunge / sey vnser mittel / aber sein vberschwengliche barmherzigkeit / sey vnser Endt.

Dieweil den nun derselbig Ewig Gott / durch sein vnergrintliche Weisheit